

Guangjisi Minzcu Bau

ganhhau: CN45-0036 B.2013 Nd.11 Ng.27 liggaueq gveiqceih nienz ndwencib ngeihhaj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3100期

Liujcwngz Yen “Seiq Aen Cosih Hung” Guh Ndei Hong Henhoh Nem Swnjcienz Vwnzva Mulajcu

柳城县“四大措施”做好仫佬族文化保护与传承工作

Gaenh bi daeuj, Liujcwngz Yen cizgiz aeu lai aen cosih haenqrenz doihaeuj hong henhoh nem swnjcienz vwnzva Mulajcu, coicaenh dieg Mulajcu vwnzva minzcuz mbouj-duenh hoenghhwd.

It dwg gyalai roengzcienz youq dieg Mulajcu comzyouq haenx guh vwnzva gihcu sezihs gensez. Gaenh geij bi gungh roengz 600 lai fanh maenz guh Gujcai Mulajcu Yang minzcuz vwnzva gvancangz, ranz baijok vwnzva minzcuz, henhoh ranzgaeuq Mulajcu, mbanj daegsaek Mulajcu gensez daeng hanghmoeg.

Ngeih dwg cauxguh “minzcuz vwnzva mingzben” gunghcwngz. Cungfaen leihyungh gij swyenz vwnzva minzcuz Gujcai Mulajcu, cujiz buek vunz guh vwnzyi, sinhvwnz, sezyingj haenx daengz ndaw yangh yawj caemhcai guh cangcoz, yiengq ndawbiengz soucomz doenghgij cozbij vwnzva minzcuz buek he, gawjbanh “minzcuz funghcingz” sezyingj baijok, cauxguh doenghgij vwnzyi cozbij lwnhgangj Mulajcu funghcingz haenx.

Sam dwg yawjnaek nem bangfuz doenghgij Mulajcu vwnzyi donzdij ndawbiengz. Gonqlaeng

bangfuz laebbaenz Gujcai Mulajcu Yangh Banhcunh Gveigidui, Lungzhancinz Cunh Fouxaedui, Lungzbauz vwnzyidui daengj vwnzyi donzdij ndawbiengz Mulajcu.

Seiq dwg guh ndei hong henhoh vatgud lizsij vwnzva. Doenggvaq ceng’ aeu hanghmoeg, gensez ranz baijok vwnzva minzcuz, henhoh nem gensez mbanj daegsaek, cizgiz ciengigouq nem soucomz gij doengh-yiengh gaeuqgeq Mulajcu gag miz haenx, gij ranzgaeuq miz Mulajcu daegsaek haenx ndaej henhoh ndei.

(Veiz Ginzvah)

Lozcwngz: Banh Daihngaih Gaiq Mulajcu Yihfan Vwnzvacez

罗城:举办第二届仫佬族依饭文化节



11 nyied 23 hauh, “Cungguek · Lozcwngz daihngaih gaiq Mulajcu Yihfan vwnzvacez” sat ndei liux gvaq, baez ciet neix youz Lozcwngz Mulajcu Swciyen gawjbanh. Banh baez ciet neix, baihbanciet in sawj mbaet yungh, aeu ginzung camgya guhcawj, sojmiz cezmuz cungj youz ginzung nem doenghgij yezyiz vwnzyidui yienj. Mulajcu Yihfan vwnzva baijok, go foux minzcuz byaujyenz, ciet Yihfan hozdung, minzcuz conzdungj diyyuz baijyenz, hawfwen byaij bo, yw Mulajcu fazcanj codanzvei daengj hozdung cungfaen yienh’ok vwnzva maenhndei Mulajcu. Ndaw doz dwg ginzung yenyenz cingq yienj aen fungsug daegbied Mulajcu—doxidawz bawx-moq.

(Mungz Cwnghshw ingj)

Mungzsanh: Cangzbingz Yauzcuz Yangh “Hamj Yangh Fazcanj” Byaij Ok Roen Baenzfouq

蒙山:长坪瑶乡“跨乡发展”走出致富路

Daj bi’ gvaq daeuj, Mungzsanh Yen Cangzbingz Yauzcuz Yangh Luzbingz Cunh gyoengq beixnuengx Yauzcuz byaij diuz roen “hamj yangh fazcanj”, dajndaem ginghci nungz-cozvuz, seizneix gaenq youq Mungz-sanh Vwnzhieh Cin laeb lai aen lwgmak nem byaekgwn gihdi, mizyauq dwk hawj gyoengq beixnuengx Yauzcuz laisou, aeundaeg ginghci yauyiz haemq ndei.

Cangzbingz Yauzcuz Yangh Luzbingz Cunh yienznaeuz miz swyenz raemx nem mbwn maenhndei, caemhcai vnzmbanj rox ndaem

gva nem lwgmak, danhseih diegrin lai diegnamh siuj, loh mbouj bienh, mbouj hab aeu gihgai daeuj guh dajndaem, neix couh gaz nungzyez dangdieg fazcanj. Cimdoi gij cingzgvang neix, gyoengq beixnuengx Yauzcuz dangdieg cauxok “hamj yangh fazcanj” mozi, mbouj deng dieg laengz hauej, youq Vwnzhieh Cin, Hozcunh Cunh gij dieg bingz, namh biz, roen bienh, ngaenzco bienzngiez haenx lwnz ndaem “hing-gvehoengz-byaek”.

Bi’ gvaq, Luzbingz Cunh cijmiz 4 ranz Yauzcuz youq henzdah dajndaem

byaekgwn, bineix gaenq gya daengz 8 ranz, “hamj yangh fazcanj” aen mozi neix cingq cugmbaek demhung, cunhchisuh Vanz Cinhmeiz couh sien gyahaeuj “hamj yangh fazcanj” ndawde bae, de mboujdanh bau 20 moux dieg ndaem hing nem gvehoengz, lij laebbaenz aen giyez iq “gimbauj” lwgmak nem byaekgwn gihdi neix. Dangqnaj, Cangzbingz Yauzcuz Yangh Luzbingz Cunh laebbaenz giyez iq 6 aen, youq Vwnzhieh Cin bau 100 lai moux lwgmak nem byaekgwn gihdi, bi canjeiz 10 daengz 80 fanh maenz.

(Liuz Gozvwngj)

SIUSIK DINJ

简讯

● Geij ngoenz gonq, Lungz-swng Gak Cuz Swciyen Bingzdwngj Yangh Siujgyangh Cunh miz 400 moux vagut sanhvanz gonqlaeng ndaej mbaet lo. Bineix, aen yienh neix gyarengz gaij gij gezgou guh canjyez dajndaem, doidoengh canjyez dajndaem conzdungj yiengq daegsaek nungzyez, ngonzyawj nungzyez gaijbienq, daegsaek dajndaem gaenq baenz aen diemjrongh moq hawj nungzyez lai miz yauliz nungzminz laisou haenx.

(Siz Nungzbingh Vuz Haijvaz)

● Gaenq cib bi daeuj, Yungz-anh Yen Cangzanh Cin Yauzsung Cunh gungh dajndaem makbug diengz 1000 lai moux. Bineix daengx cunh gij makbug neix canjlieng beij bi’ gvaq demlai, caiq gya gij gyaq hwnj lo, guj daengx mbanj bingzyaenz moix hoh ndaem makbug haenx souhauej mbouj daemq gvaq 1.8 fanh maenz.

(Veiz Cujswz Cinz Cisingh)

● Geij ngoenz gonq, Nazboh Yen Cwngzsiengh Cin Dazlaz Cunh Mbanjenbiz Yizcuz diuz roen-suijiz mbanj gaep guhsat caemhcai ndaej doeng ci, neix hawj ndaw mbanj 80 ranz 406 boux Yizcuz ndaej souh’ik, hix gaijndei gij diuzgen swngchancj swngghoz dangdieg.

(Vanz Bizvaz)

● Laebdoeng gonqlaeng, Gvangsish gak dieg cingq nyaengq ndaem majlingsuz. Ciuq cam rox, bineix gih raeuz dajndaem majlingsuz gaenq miz bak fanh moux, lij ceng’ aeu ndaem daengz 120 fanh moux dem.

(Yi Sienghceenz)

● Daj bineix daeuj, Yungzsuij Myauzcuz Swciyen Bwzyinz Yangh Dangjveij, Cwngfuj roengz cunh hauej mbanj, 40 lai boux dangjyenz ganbu faen baenz 13 cuj, mbouj dingh seiz daiq nohmou hauej mbanj hauej ranz, caeuq vnzmbanj caemh gwn, caemh youq, caemh guhhong, vih ginzung ok geiqmaeuz, coengh laisou, aeu neix daeuj gaihcanj ginzung lusen gyauyuz sizsen hozdung.

(Lungz Linzci)